

I. N. J.
D E

LUDIS OLYM- PICIS,

Quæstiones Historico-Políticas

AMPLISS. SENATUS PHILOSOPH. CONSENSU

IN ILLUSTR

ACADEMIA LIPSIENSI,

SUB PRÆSIDIO

VIRI REVERENDI atque CLARISSIMI

DOMINI

M. JO. FRIDER. MAYERI,

S. Theol. Baccalaurei.

P. P.

HEINRICUS DAUDERSTADIUS,

FRIBURGENSIS THUR. LL. STUDIOS.

D, 22. Martii A.O.R. clc 17c LXXI.

L I P S I Æ,

Recusa Typis Joh. Christoph. Brandenburgeri. 1705.



IN NOMINE JESU!

Proœmium.

Romanæ (sapientissimæ aliàs) gentis morum gravitatem ac constantiam, si quis ex ludorum æstimatione judicet, non levitatis subretfugiet notam. Licet enim hos à Deis (majorum gentium etiam) in deliciis haberi, a) & illorum geri curam, b) firmiter crederet, licet *primum Ludorum Editoribus tantus fuerit tributus honor, ut iis etiam à Senatoribus adsurgeretur, haberentque jus sedendi prope Senatum & vacationem munerum.* c) Licet vestibula eorum ut principum à nobili & equestri juventute frequentarentur, d) ipsi Principes e) ludorum præfides, aut illorum loco viri honoratissimi. Licet ex ærario publico & redditibus publicis salaria acciperent, f) & leges illis ut aliis scripserint adeo ut celeberrimi Antonii de Gvevara hac de re hoc sit judicium: *Præclara sane & Romanis laudibus annumeranda providentia, quod vivendi modum ludionibus & histrionibus, perinde ac cateris officariis Roma & ducibus belli præscribere voluerunt: non minus suam hac in parte, quam in gravioribus negotiis, demonstrantes prudentiam.* LABORIOSIUS enim Reipubl. gubernatori est duos corrigere stolidos, quam centum regere cordatos. Attamen proscriptiones histrionum, g) exilia spectatorum h) insignem ludorum loquuntur contemptum. Alia mens Græcis erat, qui quos ludos & certamina semel instituerant, ne intermitterentur, diligentes ac seduli vigilabant,

bant, nec etiam horum ludi ad corporis luxum (ut Romadorum plurimi) erant compositi: Dabimus nos in præfenti differtatione exemplum Ludorum Olympicorum. Moderator Deus Opt. Max. his nostris conatibus felicem largiatur successum!

- a) Plaut. Amphitruone prolog. v. 86. seqq. vide ibi quæ Taubmanus disp. ad v. 91. de lectione Anno an Nannio, quæ prior veritati convenientior. Et Asinar. Prol. v. 15. (licet Gvil. Conter. Nov. Lect. lib. 2. c. 20. novam m. adferat lectionem & versum illum

Ut vos item alias pariter nunc Mars adjuvet

ita legat:

Nunc me ars adjuvet.

tamen jamdum Jos. Castalio observat. Decad. 2. c. 1. philologema hoc absurdum esse prolixè ostendit, & idem Taubm. p. 97.) Adde elegantissimum Arnobii locum Lib. VII. adversus Gentes p. m. 145. cumque prolixum, ubi ex hoc argumento ostendit, Deum non esse posse, qui tam inepte ludis delectetur Circensibus. b) Erant enim etiam Dii Jocularès vide Blondum lib. II. Romæ triumphantis ap. Gvevar. p. 687. c) Plinius lib. 16. c. 4. d) Tacitus lib. XIII. Annal. e) Svetonius in Augusto c. 45. Vide Is. Casaubon. p. m. 212, ad illa verba: *qui suam vicem præsidendo fungerentur.* & Caligul. c. 18. Addatur Modestinus lib. 1. Responsor. ff. 50. t. 12. l. 1. f) Vide M. Ant. Murret. lib. 17. Var. Lect. c. 14. quod salarium postea Lucar appellabatur à lucis, qui circa urbem multi, vide quæ commemoratur Justus Lipsius ad lib. 1. Annal. p. m. 74. disputari hic posset, annon etiam Locarii in Amphitheatris, qui locabant ac designabant locum in ludis, de quibus prolixè agit J. Lipsius de Amphitheatro, c. 15. ab hoc ipso Lucare ita dicti fuerint, cum lucar postmodum quodcunque pretium etiam à privato histrionibus datum designaret. De Roscii mercede conf. Macrobius. 3. Sat. 14. g) Excerptit hæc Gvevara ex Blondi lib. II. Rom. Triumphantis lib. 3. c. 46. §. 640. Horol. princ. h) Plinius Panegy. Trajani c. 46. ed. Frischm. i) Tacitus lib. XI. Annal. &c. &c.

Quæst.

Unde dicantur Ludi Olympici?

AGones Olympicos à loco & Jove in cuius honorem celebrabantur, Olympicos dictos, neminem facile dissentientem habebimus. At unde Olympia inquis? à Jove Olympio dico, qui Jupiter Jovium supremus & maximus videtur. Non enim unum solum Veteres credebant Jovem, sed *Romanus Cynicus Varro a) trecentos Joves sive Jupiteres sine capitibus b) introducit. Quæ multitudo videtur hinc nata, quod omnes Reges antiquos Joves, quemadmodum Reginas omnes Junones dicerent c); Verum hos omnes Jupiter Optimus, Maximus d), quem & Patrem Deorum Dearumque e) credebant, obque maximam suam potentiam (cujus insigne specimen tonitrua erant, quod & ipsi reliqui timebant Dii, ut docet locus ille Calabri Lib, 17. in Latinam versus:*

*Venit itaq; in magnum Olympi verticem & concussit
Totum de super æthera iratus, aliasq; alia
Tonitrua mista fulguribus horrendum reboant, inde et-
iam fulmina
Crebra ad terram effundebantur, flagrabatq; ær
Infinitus. Tum metus Deorum mentibus ingruit
Omniumq; membra tremuerunt, quamvis essent immor-
tales.)*

Omnipotentem f) dicebant, antecedeat, huncq; ipsum Olympicum dictum nulli dubitamus. Ab Olympo scilicet h. e. à cælo, qui Olympus dictus g) quasi ὀλόλαμ & totus splendidus, totus lucens, quam cæli partem Jupiter inhabitare credebatur: dividebant siquidem orbem superum in duas partes, in Olympum & cælum, quemadmodum inferum in Tartara & infernum. Sic distinguit Homerus Iliad. 8. μέγας θεῶνδ' Ὀλυμπε & id est magnum cælum & O-

tympus, Plutarch. de defect. oraculor. *θεῶν καὶ Ὀλύμπου*,
 Cælum & Olympum. Plato in Epinom. *ἢτε Ὀλύμπου ἢτε*
θεῶν sive Olympum sive cælum. Olympum regiam Jo-
 vis esse sedem arbitrabantur, ex qua tonitrua edat, quod Va-
 ler. Lib. 1. Arg. *Summo deponere fulmen Olympo*, indicat,
 quam an per sortem, cum de suis sedibus inter se invicem
 fortirentur Dii, acceperit, quemadmodum Pluto caliginem
 obscuram Homero *b)* Neprunus aquam &c. convenient
 ipsi Mythologi de hisce fabulis inter se. Prudenter in rem
 suam scribit Callimachus in Hymno Jovis. *Νέξ, cælum νέξ*.
Erebum sorte ulla provenisse: nam nemo nisi stupidus vellet
sortem jaci de rebus longe distantibus, nam fors esse debet de re
aquali. Cælum ergo Jovi contigit non sorte, sed potentia &
virtute. Imo quæ certitudo in his fabulis expectanda, cum
 in contrarium testimonia adsint cælum Jovi, non vero O-
 lympum attributum fuisse, sic contra nos Homerus l.c. ubi
 Neptunus loquens de divisione rerum inter se & Jovem &
 Plutonem:

Jupiter autem sortitus est cælum latum in atbere & nu-
bibus,

Terra vero communis est omnium & altus Olympus.

Idem Iliad. 5. *ἵκοντο θεῶν ἰδὲ εἰπὼν Ὀλύμπου* pervenire ad
 Deorum sedem altum Olympum. Sed hoc non insolens est
 in hocce studio duos reperiri authores vetustos diversissima
 statuentes. Genealogiam Deorum Dearumque aliquis ex-
 hibeat omnibus & Poëtis & Philosophis Gentilibus respon-
 dentem? aut an Jupiter Saturni filius an Nepos, aut an Sa-
 turni parens cum consensu omnium veterum pronunciet?
 Et mihi magnus erit Apollo. Ipsi Gentiles quid crederent,
 & quos Deos haberent, ignorabant. Olympium ergo Jo-
 vem ab Olympo sive cælo dictum fuisse, & ab hujus tem-
 plo oppidum illud Olympiam nuncupatam adfirmamus.

a) Ter-

- a) Tertullianus in Apologet. c. 14. b) quid sit *sine capitibus* explicat Fr. Junius in not. ad illum Tert. locum p. m. 34. *sine capitibus*, qui Dii non essent, sed puri puri homines. c) Constat hoc ex vetustis inscriptionibus vid. Ant. Augustinus Tab. 16. n. 20. & Tab. 6. n. 12. comprobant sententiam nostram Xenophon de æquivocis: *Saturni*, inquit, *dicuntur familiarum nobilium Regum, qui urbes condiderunt antiquissimi. Primogeniti eorum Joves & Junones. Hercules vero Nepotes illorum fortissimi. Patres Saturnorum Cæli uxores Rhea, Cælorum Vesta, quos ergo Saturni, tot Cæli, Vesta, Rhea &c.* Locus sane insignis qui in mythologicis multis dubiis medicinam præbet, adductus Ath. Kircheri Oedipo Ægypt. Synt. III. cap. III. p. m. 180. Approbat Vossius Theologiæ Gentilis Lib. I. c. 14. p. m. 110. *Jovis nomine fabulosa vetustas dignata est reges ac principes, qui sui ordinis ceteros potentia antistarent. Itaque videas nullo prope seculo defuisse Jovem usq; ad tempora belli Trojani.* d) Sic enim literas has J. O. M. in epitaphiis & monumentis quamplurimi philologor. exponunt JOVI OPT. MAXIMO, & Arnob. lib. 1. advers. gentes p. m. XI. *Sed frustra*, inquit, *nos falso & calumnioso incestu & appetitu crimine, tanquam eamus inficias esse Deum majorem: cum à nobis & Jupiter nominetur & optimus habeatur & maximus.* e) Val. Saron. ap. Kircher. Oed. Synt. III. p. m. 175. f) Videtur enim omnino lectio hæc retinenda ap. Virgil. lib. X. Æneid. vers. 1.

Panditur interea domus Omnipotentis Olympi.

Ut Olympi per Synæresin pro Olympii h. e. Jovis Olympii legatur; aut secundum Rhodig. lib. 20. Antiq. Lect. c. 13. nulla hic sit figura, cum dicatur & Jupiter Olympus & Olympius; adversus illos qui vel hic Omnipotentis vel Omnipotentis, ut B. Egnatius libr. Racemation. c. 20. legunt. Nec tamen hic nostram etiam facimus Hadriani Turnebi sententiam, qui lib. 29. Advers. 24. Omnipotentis vocem aliter quam vulgus explicat omnia complectentem omnibusque potentem. Add. F. Taubmann. ad loc. Virgil. Dissentit hic à nobis Lud. de la Cerda p. m. 409. qui cælum omnipotens h. l. vocari contendit, sed revera nobis contrarius non est. g) Cælum tamen Olympus dictum fuit à monte illo altissimo Thessaliæ, cujus summitatem accole-

accolæ illius Cœlum vocabant Scal. lib. 1. de Lat. lingv. Olympus montis nomen ob altitudinem, quem cum ascenderent, interrogati quo irent, dicebant, in *cælum*, unde communicata vox. *b)* Homer. Iliad 15. Ἀΐδης δ' ἐλαχιν ῥόφον ὑπερόντα. Piu-
to autem fortitus est caliginem obscuram.

Quæst. II.

Quis locus fuerit Olympia? Quod templum Jovis Olympici?

Elidis, quæ Peloponnesi pars est, antiquitus urbs fuit, Olympia; Jovis Olympii templo celebrata: quam, Pisæ vicinam aliqui, nonnulli vero partem illius urbis dixerunt: quidam denique, Pisam ipsam fuisse, priusquam Olympia diceretur, tradiderunt. Sita vero fuit, inter Alpheum & Peneum, Elidis regionis famosissimos omnes; habuitque subjectum mœnibus suis campum ingentem, Austrum versus, ad Alpei ripas usque se porrigentem. Docerhas varias opiniones *a)* Joh. Bisselius. Sive Pisa ipsa fuerit, sive urbs peculiaris, (de quo certi esse ob dissensum Autorum non possumus) celebratissima tamen erat templo Jovis Olympici. Discimus hæc ex Diodoro *b)* ubi de Hercule & duodecim ejus laboribus, cæterisque ab eo usque ad vitæ finem gestis ita scribit: *Per agrum Leontium pergens, pulchritudinem ejus regionis admiratus, apud eos à quibus honore exceptus est, externa sui reliquit monumenta. Paulo post Jolao Nepoti templum adificavit, ostenditque, quomodo honores ei ac sacra annua fierent, usque ad hoc tempus servata. Tanta vero ejus templi majestas habetur, reverentiaque, ut qui à sætis deficiant sacris pueri, muti evadant & mortuis similes. Iidem si voverint solita sacrificia, suscepto voto statim fiunt à morbo liberi. Palastra insuper equorumque certamina quotannis, ad quæ publice omnes servi, liberique conveniunt, instituere. Aliud honoris argumentum dat Plinius *c)* & ex*

co

eo d) Alexander ab Alexand. Fuitque literis proditum (si libet credere) ab immolato tauro Deo, quem Myjodem vocant, dum Olympiorum celebritas manet, muscas ad unum catervastim Pisas concedere: rursusque ludis absolutis; eodem reverti: sicut in Leucade apud Aëlium Apollinis, ubi Panegyrica celebritas futura erat, muscas bove immolato, illius distentas cruore, protinus evolare. Templum autem, in quo Jovi sacra fiebant, famosum erat, ob maximum Jovis simulacrum, de quo ita Strabo e) Simulacrum Jovis Olympi tantæ magnitudinis à Phidia factum, ut quanquam sit maximum, bonam tamen videatur proportionis rationem habuisse, qui sedentem finxit, ita ut vertice columen propemodum tangat, ex ipso sane appareat, eum si surgeret, seque erigeret tecto templum esse nudaturum. Ipsum vero simulacrum secundum Strabonem f) ex auro solido, secundum Plinium g) ex Ebore, & ex mente Pausaniæ ex auro, & ebore, reliquum vero corpus ex gypso & fictili materia constabat. Pausaniæ opinionem approbare videtur Dio Chrysostomus h) sulphur adhibuisse Phidiam hunc Olympium Jovem facientem, ut Eboris materiam faceret durabiliorem statuens. Hanc statuam Galigula, teste Svetonio i) Romam transferri voluit: Futura cedis multa prodigia extiterunt, Olympie simulacrum Jovis quod dissolvi, transferrique Romam placuerat tantum cæbinnum repente edidit, ut machinis labefactis opifices diffugerent. Cujus meminisse videtur Josephus à Lazio citatus k) Nam etiam Jovem Olympium, qui maxime apud gentiles venerabilis habetur, quem Phidias Atheniensis fecerat, ausus est Romam transferre: nec tamen ad effectum res perducta est, architectis dicentibus: Quod si illud moderetur simulacrum, aliquid posset mali accidere.

a) Jo. Bisselius Decad. III. Ruinar. Illustr. Timanthis p. 854.

b) Diod. Siculus lib. 4. aut aliorum supputatione s. c. 2. c.) Plinius lib. 29. c. 6. d) Alex. ab Alex. lib. 5. c. 8. p. 473, cont. Isaac.

Casaubon. ad Athenæum lib. 1. c. 5. p. m. 17. 18. e) Strabo lib. 8. citatus m. Fr. Junio de Pictura Veterum Lib. III. c. 2. §. 10. p. 163. ubi m. differit de simulacris & statuis in maximis templis, minutis, * Not. Casaub. h. l. pro ἐν ἑσχατάσιν Xylander, ἀσχατάσιν legit, de qua lectione ipsi disputant. f) Strabo loc. cit. g) Plinius l. 34. c. 8. h) Pausanias Lib. I. i) Dio Chrysostomus Orat. XII. de cognitione Dei citatus Fr. Junio de Picturis Veterum L. 3. c. XI. §. 3. p. m. 310. k) Sveronius in Caligula c. 57. l) VV. Lazius de Rep. Romana lib. X. c. XI. p. m. 855.

Questio III.

Quis primus Olympicorum Ludorum Author?

In signem hic Autorum historicorum dissensum reperire licet. Ad quatuor tamen præcipue classes tota disputatio referri potest. Phlegon a) diligentissimus ille Olympiadum supputator inventionis laudem Piffo attribuit, de quo præter nomen parum constat, nisi quod unus forte è Nestoris fuisset familia, iudicio Magnifici Strauchii b) Alii Atreo & Thyesti Tantalii Nepotibus concedunt, in honorem Patris Pelopis illos ludos instituisse adfirmantes. Pelops ipse aliis horum ludorum autor est, Phrygiæ Regis & Taygetes filius, qui maxima autoritate etiam Elide fuit, docet hoc Pausanias c) ἡρώων δὲ τῶν ἐν Ὀλυμπίᾳ τοσούτου προτετιµηµένος ἐστὶν ὁ Πίλοψ ὑπὸ ἡλείων, ὅσον Ζεὺς θεῶν τῶν ἄλλων. *Præ cæteris Heroibus in Olympiâ tam colitur apud Eleos Pelops, quam Jupiter præ cunctis Diis.* De eodem Pelope Sulmonensis ille vates: d)

--- --- Manibus mox caesa paternis
Membra ferunt junxisse Deos: aliisque repertis,
Qui locus est juguli medius summique lacerti,
Defuit, impoliticum est non comparentis in usum
Partis Ebur, factoque Pelops fuit integer illo.

Occasio hæc fuisse dicitur: Postquam patria exiisset & Elidem

dem regnante Oenomaos adiisset, qui unicam filiam nomine Hippodamiam habebat, hæc & ob formam, eximiam, & ob regni totius hæreditatem,

Multorumque fuit spes invidiosa procorum.

Verum Oenomaus quum ex Oraculi responso, à genero se interemptum iri, edoctus esset, durissimam hanc procis conditionem ratus, ut qui Filia frui vellet nuptiis, secum prius curruli certamine contenderet, idque ea lege, ut Victorem Filia suæ conjugium regnique sui hæreditas, victum mors ipsa sequeretur. Cum igitur complures equorum celeritate superasset, Pelops visa puella ejus amore penitus exardescens, alia via rem sibi aggrediundam per-
suasus est, Myrtilum aurigam pretio corrupit, ut fragiles currui axes subjungeret. Quo facto Oenomaus curru dissoluto excidit, moriensque Myrtili devovit caput, obsecrans Pelopem, ut cladem suam ulcisceretur, quod & factum est, quum enim perfidia præmium posceret ab eodem Pelope in mare dejectus, ipse autem hoc modo regno & nympha potitus est; Cujus Historiæ e) Strabo Auctor est. Ipse tamen **HERCULES** horum ludorum inventor quamplurimis creditur. At quis Hercules in tanta multitudine? cum Varro quadringentos quatuor collegerit. Alii *Herculem*, *Jædæum*, *Thebanum* alii intelligunt. Thebani Herculis auctoritatem in conflictu nos defendemus. Licet hic nobis placeat Strabonis judicium f) *Omittenda sunt*, inquit, *vetusta, quæ & de Auctore Templi & institutione certaminis feruntur. Aliis Autorem Herculem facientibus, unum de Jædæis Daëtyliis, aliis Herculem Jovis & Alcmena Filium, qui & cetera*

- a) Edidit Phlegon Augusti libertus, alias natione Asiaticus, Tra-
llianus sedecim Libros Olympiadum, pauca illius fragmenta
hodie possidemus ex editione Joh. Meurfii. b) testimonio Euse-

bii Chron. Canon. in hist. Tiber. p. 208. c) Magnif. Dominus D. Strauchius peculiari disputatione, quæ inscribitur ΟΛΥΜΠΙΚΟΣ ΑΓΩΝ Wittebergæ habita 1661. Respond. Wolffg. Jacob. Frolingio §. 4. d) Pausan. lib. 1. Eliac. e) Lib. 6. Metamorph. Fab. VII. ed. Schrevel. f) Strabo lib. 8. g) vid. lib. Gregor. Gyrald. de Diis Gentilium Syntagm. X. p. m. 316. h) Strabo lib. VIII.

Quest. IV.

Quo tempore fuere instituti? & quo anni tempore celebrati?

Olympia prima eaqve Herculea seculum vidit ab Orbe condito vicesimum octavum, aut ut Scaliger vult, primum certamen Olympicum commissum anno periodi Julianæ 3938. ante Romæ condituram, fere 500. ante nativitatem Salvatoris nostri JESU CHRISTI, 1200. Sed mox ætatibus aliquot, seculisve prætermissi sunt hi Ludi, adeo ut propemodum è memoria fuerint sublati; siquidem quadringentos ac triginta circiter annos non fuere celebrati, ea ut referunt culpa, quod Victorum in Olympicis nomina nondum æternitati consecrarent. *Unde vel neminem vel vix quenquam, gloria pærennitatis dulcedo (fortissimum certandi calcar) ad laboris tanti studium excitabat.* Obsoletos autem hunc in modum ludos instaurare post annos ab Hercule quadringentos & quod excedit, Rex Elisidis Iphitus, (aut aliorum sententia Oxila) instinctu Lyncurgi Lacedæmonii, anno Mundi 3188. post diluvium 1531. ante Romæ condituram, 24. ante nativitatem Christi 775. eodem anno cum regnaret Joathan Rex Judæorum, qui fuit à capta Troja annus 480. Sed nec hic restaurator Iphitus Victorum nomina immortalia esse voluit. De tempore jam Originis & restorationis diximus; adjiciemus nunc etiam aliquid, quo anno & qua parte anni Ludorum Olympicorum fuerit solen-

solennitas. Quinque diebus continuis Olympica certamina celebrari solita, repetebantur quinto quoq; Solstitio, quo Sol in Zodiaco cancri regionem, æstivis caloribus ingrediebatur. Quo fiebat, ut inter ludicrum prius, ac ludicrum posterius, anni quatuor interjacerent; Ideoq; fallant ac fallantur ii, inquit Bisselius, qui spatium illud temporis, quod ab Ludis illis, Olympiadem nominavit antiquitas, annorum quinque constituunt. Nam, pergit, annorum illorum quintus quisq; non ad antecedentem, spectabat Olympiada, sed ad subsequenter, quam & inchoabat. Hoc itaque tempus Græci Olympiadem dixere, unde & annorum curricula & tempora dinumerabant.

Quæst. V.

Quot & qualia certaminum fuerint genera?

Cursus vero primum fuisse certaminum genus, consentiunt plurimi, inde Pausanias: a) Ἀπὸ τοῦ συνεχὲς ταῖς Μνήμας ἐπὶ ταῖς Ὀλυμπιάσιν ἐστὶ ΔΡΟΜΟΤ μὲν ἀθλα ἐτιθετο πρῶτον, καὶ ἡλὺς κέρειος ἐνθάδε. *Manifestum est, quod quantum continuatas Olympiades hominum memoria consequi potest, CURSUS primum certamen institutum est.* In quo nonnulli b) Eleum Coræbum, alii c) Corylum Argivum, quidam denique d) Herculem ipsum primum existisse victorem, memorant. Quantumvis autem prima hæc institutio id potissimum spectaverit, ut in stadio decurreretur; nihilominus variis Græciæ mutationibus, varie concertatum est; Nam mox cursui simplici certamen adjecerunt ludicrum, quod πάνταθλον Graii, Quinqvertium Latini vocant. Constabat hoc genus cæstu sive pugilatu, cursu seu stadio, saltu & disco, Palæstraq; sive Luta. De quibus pulchre Simonides:

Isthmia devicit Diophon & Pythia disco,

Et saltu & pugnâ, & levitate pedum,

Atque Palæstra.

Sed & his alios ludos Græci addiderunt; siquidem per *d*) Iphitum instaurati, initio curriculi modo concertationes habuere. Fuerunt etiam, qui non una vice tantum stadium decurrerent, sed in una die bis, quod Phamas Pellenæus *e*) fecit Olympiade sexagesima septima, quod genus cursus *διὰυλον* Græci vocarunt. Fuerunt qui cantu, qui fidibus, qui tibiis, qui cithara, atque cæteris aurium mulcedinibus inter sese contenderent. Fuerunt *f*) præter homines etiam & pulli equorum, & varia vehiculorum genera in hos ludos admissa. Venuste eos *g*) Alexander Neapolitanus describit: *In quibus (Ludos Olympicos intellige) Agrigentini Equi atq; Ætnæi semper præcelebres habiti, & ex Epiro primas in Olympiacis meruere, atque ex Venetia in Sacris certaminibus sæpe nobilitati sunt: præcipui vero Nisei, quibus Persarum Reges utebantur, & apud Elcos educati, quibus non segnibus equorum cura fuit: quippe qui finibus educatas iniri faciant, quod esset experimento cognitum, mira felicitatis prolem inde provenire: sicut apud Argivos ad lucum Agenoris hircos pecudibus admittunt, ut fecundissimos habeant fetus, uberes & quæstuosos. Fertur tamen Alcibiades septem quadrigas mira pernicitatis & Olympia deduxisse, & victor fuisse. Hecratites Thessalus equa prægnante Olympia vicisse.* Hæc Alexander. ΠΕΝΤΑΘΛΟΝ tamen & Pancration (de quibus paulo dicetur inferius) semper inter nobilissima & decantatissima Olympica certamina fuerunt numerata,

- a*) Pausan. Eliac. 1. *b*) Andr. Tiraq. in Alex. ab Alex. lib. 5. c. 8. ex Pausan. lib. 6. *c*) Vide Euseb. in 10. de præpar. Evang. *d*) d. ex Plutarch. in Theseo, cui ad stipulatur Lælius de Rep. Rom. lib. X. c. XI. p. m. 854. *e*) vid. Nat. Comit. Mytholog. lib. 5. c. 1. *f*) Joh. Bissel. Ruin. Illustr. Dec. III. Ruin. Timanth. c. 1. g) ibid. p. 860. *h*) vid. Nat. Com. loc. supra cit. *i*) Genial. diæ. c. 8. lib. V.

Quæst. VI.

Quale certamen fuit stadium seu cursus?

Stadium

STadium locus est, in quo cursu & luctatione exercemur, & habet stadium, ut Hieronymo placet, pedes in longitudinē sexcentos; nuncupatum vero stadium ἀπὸ τῆς στάσεως, i. e. à statione, quod stadium terræ sit spatium tantum, quantum Hercules, Olympici certaminis institutor, uno spiritu hoc modo peregit, ut ante nec constiterit, nec respirarit, quam absolveret. Atque accurate & spectatores & iudices hoc cursus spatium in exemplum reliquorum cursuum observarunt. *Fuit vero spatium illud Herculei stadii, sine Spiritus reciprocatione transacti, centum viginti quinque passuum, qualitate Plinii Romani Geometra metiebantur, quæ mensura pedum sexcentum ac vicenum quinum est: adeoque miliaris Italici pars octava.* Hoc genus ludi Græcis acceptissimum gratissimumque erat, quo omnes delectabantur, quod antiquissimum esset.

Quæst. VII.

Quis modus Palæstræ seu Luctæ?

Palæstram seu Luctam græcam vocem ex usu fecerunt Latini. Dicitur enim Palæstra ἀπὸ τῆς πάλλεσθαι τὸ τῶμα, id est, corporis agitatione & concussione, sive quod ante Luctam urna moveretur, ut Serv. voluit, quoniam sorte ducti luctabantur. Memorabile sane videtur illud sortitionis genus, quo Athletæ & Luctatores olim ad pugnandum utebantur. Nam calculis in urnam coniectis binæ compares literæ inscribebantur; quique e ductis sortibus pares sortiti erant, invicem committebantur. Et Veneti hodie, si quid agendum est, ita sortitionem efficiunt e. g. de ratione belli, ad cuius urbis expugnationem primum debent deduci exercitus. Nomina scilicet expugnandarum urbium in urnulam conjiciuntur: ea puerulus quispiam manu miscet, & unam è chartulis, quæ singularum Urbium continent nomina, defert ad Principes, atque tunc ab ea oppugnanda bellum inchoari

Sed & his alios ludos Græci addiderunt; siquidem per *d*) Iphitum instaurati, initio curriculi modo concertationes habuere. Fuerunt etiam, qui non una vice tantum stadium decurrerent, sed in una die bis, quod Phamas Pellenæus *e*) fecit Olympiade sexagesima septima, quod genus cursus *διὰ βολαν* Græci vocarunt. Fuerunt qui cantu, qui fidibus, qui tibiis, qui cithara, atque cæteris aurium mulcedinibus inter se se contenderent. Fuerunt *f*) præter homines etiam & pulli equorum, & varia vehiculorum genera in hos ludos admissa. Venuste eos *g*) Alexander Neapolitanus describit: *In quibus (Ludos Olympicos intellige) Agrigentini Equi atq; Aetnei semper præcelebres habitati, & ex Epiro primas in Olympiacis meruere, atque ex Venetia in Sacris certaminibus sæpe nobilitati sunt: præcipui vero Nisæi, quibus Persarum Reges utebantur, & apud Elcos educati, quibus non segnīs equorum cura fuit: quippe qui finibus educatas iniri faciant, quod esset experimento cognitum, mira felicitatis prolem inde provenire: sicut apud Argivos ad lucum Agenoris hircos pecudibus admittunt, ut fecundissimos habeant fetus, uberes & quæstuosos. Fertur tamen Alcibiades septem quadrigas mira pernicitatis & Olympia deduxisse, & victor fuisse. Hecratites Thessalus equa prægnante Olympia vicisse.* Hæc Alexander. ΠΕΝΤΑΘΛΟΝ tamen & Pancration (de quibus paulo dicetur inferius) semper inter nobilissima & decantatissima Olympica certamina fuerunt numerata.

- a*) Pausan. Eliac. 1. *b*) Andr. Tiraq. in Alex. ab Alex. lib. 5. c. 8. ex Pausan. lib. 6. *c*) Vide Euseb. in 10. de præpar. Evang. *d*) d. ex Plutarch. in Theseo, cui ad stipulatur Lazius de Rep. Rom. lib. X. c. XI. p. m. 854. *e*) vid. Nat. Comit. Mytholog. lib. 5. c. 1. *f*) Joh. Bissel. Ruin. Illustr. Dec. III. Ruin. Timanth. c. 1. g) ibid. p. 860. *h*) vid. Nat. Com. loc. supra cit. *i*) Genial. dier. c. 8. lib. V.

Quæst. VI.

Quale certamen fuit stadium seu cursus?

Stadium

STadium locus est, in quo cursu & luctatione exercemur, & habet stadium, ut Hieronymo placet, pedes in longitudinē sexcentos; nuncupatum vero stadium ἀπὸ τῆς στάσεως, i. e. à statione, quod stadium terræ sit spatium tantum, quantum Hercules, Olympici certaminis institutor, uno spiritu hoc modo peregit, ut ante nec constiterit, nec respirarit, quam absolveret. Atque accurate & spectatores & iudices hoc cursus spatium in exemplum reliquorum cursuum observarunt. *Fuit vero spatium illud Herculei stadii, sine Spiritus reciprocatione transacti, centum viginti quing. passuum, quæ ætate Plinii Romani Geometra metiebantur, quæ mensura pedum sexcentum ac vicenum quinum est: adeoq. miliaris Italici pars octava.* Hoc genus ludi Græcis acceptissimum gratissimumqve erat, quo omnes delectabantur, quod antiquissimum esset.

Quæst. VII.

Quis modus Palæstræ seu Luctæ?

Palæstram seu Luctam græcam vocem ex usu fecerunt Latini. Dicitur enim Palæstra ἀπὸ τῆς πάλης τὸ τῶμα, id est, corporis agitatione & concussione, sive quod ante Luctam urna moveretur, ut Serv. voluit, quoniam sorte ducti luctabantur. Memorabile sane videtur illud sortitionis genus, quo Athletæ & Luctatores olim ad pugnandum utebantur. Nam calculis in urnam coniectis binæ compares literæ inscribebantur; quique e ductis fortibus pares sortiti erant, invicem committebantur. Et Veneti hodie, si quid agendum est, ita sortitionem efficiunt e. g. de ratione belli, ad cuius urbis expugnationem primum debent deduci exercitus. Nomina scilicet expugnandarum urbium in urnulam conjiciuntur: ea puerulus quispiam manu miscet, & unam è chartulis, quæ singularum Urbium continent nomina, defert ad Principes, atqve tunc ab ea oppugnanda bellum inchoari

choari debet. Sed ad vocem Palæstræ. Hæc non tantum ludū seu certamen illud denotat, sed & locum, in quo illa exercebantur. Ulpianus eleganter de Palæstra appellat eum, qui Palæstræ dat operam. Accipitur etiam Palæstra pro decenti motu gestuque totius corporis, quem Galli contentantiam vocant, unde Palæstritæ vocantur, qui in hisce corporis decentibus gestibus insigniter excellunt, ut è contra Apalæstri, qui taliuni sunt expertes. Certabant autem hi luctatores nudi & inuncti, ut Aristoteles aliiqve adstruunt. Describit Cicero a) horum certamen, *Adolescentium greges*, inquit, *Læsedæmone vidimus ipsi, incredibili contentione certantes pennis, calcibus, unguibus, morsu deniq, ut exanimarentur prius, quam se victos faterentur.*

a) Cicero Lib. V. Tuscul. quæst.

Quæst. VIII.

Qualis Ludus fuerit Discus?

Discus primum significat vas latum (ut Julius Pollux testatur) ad portandas carnes aptum. Unde ab a) Hieronymo dictus est Discophorus ille, qui Danieli prandium portavit. b) Isidorus sic explicat: *Discus*, scribit, *antea discus vocabatur à specie scuti, unde & scutella per diminutionem*; Est enim ejusdem similis. Postea discus vocatus est, quod decas, id est, apponat. A quo & discumbentes dicti: *scve ἀπό τῶ κῆδος, id est, quod jaceant.* Discum autem, quo usi fuere in ludis Olympicis prolixè describit c) Joh. Bisselius, *Molem scilicet fuisse plane rotundæ, figuræ, ad similitudinem lancis seu paropsidis, quam figuram ac magnitudinis mensuram opticam cum solis etiam ad spectus rusticorum oculis, & ideotarum æstimationi, ingerat: mos obtinuit Græcorum ut & Sol ipse non ἡλιος tantum, sed & δίσκος diceretur. Quanto magis & orbiculati abaci, ac mersæ? unde Germanis hodieq, mensa seu τράπεζα, Tisch oder Tisch appellatur. Porro qui juvenum*

in Olympico certamine, discum (qui vel saxeus erat, vel stanneus plumbeusve, vel ferreus) aut altius in aërem, aut longinquius ultra metam manu projecisset: Victor è disco discedebat. Hucusque Bisselius. d) Fuit itaque Discus Olympicus instar pilæ æneæ, quæ brachiorum viribus excepta, & in altum missa, exercebat corpora, ita ut quantum quisque viribus præstaret, maxime conspicuum esset. Namque is fortior, & præcipuo robore habebatur, qui illum ultra signatū gessisset scopum. Meminit huius ludi e) Cicero: *Nam & seculis multis, inquit, ante Gymnasia inventa sunt, quam in his Philosophi garrere cæperunt, & hoc ipso tempore, cum omnia Gymnasia Philosophi teneant, tamen eorum auditores Discum audire, quam Philosophum malunt, qui simul ut increpuit, in media oratione de maximis rebus & gravissimis disputantem Philosophum omnes attentionis causa relinquunt, ita delectationem gravissima, ut ipsi ferunt, utilitati anteponunt.* Martial. f)

Splendida quam volitent Spartani pondera Disci

Est procul pueri, sic semel ille nocens.

Ita de eodem Ovidius: g)

Corpora veste levant, & succo pinguis oliva

Splendescunt, latiq; incunt certamina Disci.

- a) Vid. Pollucem & Hieronymum. b) Isidorus Origin. lib. XX. c. 4. de Vasc. Escariis. c) Ruinar Illustr. Dec. III. Ruin. Timanth. annot. d) Vide m. Alex. ab Alex. Genial. Dier. lib. III. c. XXI. e) lib. 2. de Orator. §. 21. f) lib. 14. g) Lib. X. Metamorph.

Quest. IX.

Quale certamen Cestus?

Cestum a) alii scribunt per Diphthongum & derivant à cædendo, quia ad cædendum seu pugnandum est comparatus. b) Alii Cestus à vocabulo græco *κίστρον*, cingulum. c) Gvidonis Pancirolli hæc sententia est: *Erant autem Cestus lora breviter in initio, mox ne excusa exuerentur in ictibus, tum cubitis tum humero alligabantur. Postremo ferrum plumbumq;*

C

assu-

assutum est sevissimo spectaculo. Cerebrum enim aguttur fa-
cillime elidebant. Idcirco aurium munimenta induebant. To-
ta ergo ars ictum vitare non fuga, sed corporis inclinatio-
nibus & flexionibus. Tum autem excipere ictum ictu si sit
fortior. Postremo ne inferre ictum frustra: concidebant
enim plumbi onere præcipientes acti, si impensius niterentur
verberare, Eleganter hunc ludum Maro delineavit: d)

*In medium geminos immani pondere cestus
Proiecit, quibus acer Eryx in pralia fuetus
Ferre manum, duroq; intendere brachia tergo
Obstupere animi tantorum ingentia septem
Terga boum plumbo insuto ferroq; rigeant.*

Nec e) Tullius hujus certaminis ignarus, dum inquit: *Jo-
dem Olympium eum ipsum, cui se exercebit, implorabit: ferre
non posse clamabit. Consuetudinis magna vis est, pernoctant
venatores in nive, in montibus uri se patiuntur, inde pugiles
Cestibus contusi, ne ingemiscunt quidem. Et paulo post: f) fa-
ciunt idem, cum exercentur Athletæ, pugiles vero, etiam cum fe-
riunt adversarium, in jactandis Cestibus ingemiscunt: non quod
doleant animo succumbant, sed quia in profundenda voce o-
mne corpus intenditur, venitq; plaga debementior.*

a) Beermannus de Orig. Lat. L. & Perotrus in Cornu copiz. b) Gvi-
don. Panciroll. Rer. Memorabil. part. I. T. 60. de veter. lud. c)
I. 1. poet. e. 21. d) Virgil. lib. 5. Æneid. e) lib. 3. Tusc. quæst.
§. 41. f) § 55.

Quæst. X.

Quale certamen Pancratium?

Pancratium etiam floruit, præ cæteris Olympiæ certami-
nibus, idq; non modo olympicis solum, a) sed Isthmiis
quoque, Nemæis ac Pythiis in concursibus. Et hi vocaban-
tur Pancratiaistæ, qui in arena omni genere resistendi pugna-
bant, quemadmodum recte Suidas Pancratiaisten manibus
pedibusque pugnantem interpretatur. Fuerunt autem ii,
qui

qui certamen pentathli Gymnicum illud, de quo mentio-
nem fecimus superius, quinque; nimirum constans depugnan-
di generibus, non obirent tantum universum, sed etiam
cum victoria. Pancratiasus hinc tanti nominis dignatio,
ut nisi singulorum & omnium certaminum palma plena vi-
ctor exitisset neuiquam contingebat, nec id immerito;
Unde enim aliud Pancratium dictum, quam vel ἀπὸ τῶν πάν-
των κρατῶν, quod Pancratiasus sit omnium victor & occupa-
tor, sive partium ac palmarum Pentathli sive secum certan-
tium; vel ut alii volunt ἀπὸ τῶν πάντων κρατῶν, hoc est,
quod cunctas vires suas hoc in certamine Gymnico effunde-
ret, ut b) Panætius apud Gellium disserit: *ad certandum vo-
cati, projectis alte brachiis consistant, caputq; & os suum mani-
bus oppositis, quasi vallo, prae muniant, membraq; eorum omnia,
priusquam pugna mota est, aut ad vitandos ictus causa sint, aut,
ad faciendos, parata.* Prodibant autem Pancratiasus, Sole
occidente, quoniam dies absumebatur quinqvertio, tunc
non solummodo horum certaminum praefecti laborabant,
ut omnia sine fraude procederent, sed etiam ne cuiquam vel
ab adversariis, vel a Iudicibus inferretur injuria. Quid au-
tem differat Pancratiasus ab Athleta cæterisque gladiato-
rum generibus, ex historia, Diagoras Rhodius tres filios ado-
lescentes habuit, unum Pugilem, alterum Pancratiasum,
tertium Luctatorem, hos omnes vidit vincere, coronariq;
eodem Olympiae die. Et cum ibi eum tres adolescentes am-
plexi coronis suis in caput Patris positis s'vaviarentur, cumq;
populus gratulabundus flores undique in eum spargeret, in
ipso stadio spectante populo in osculis atq; in manibus Fi-
liorum animam afflavit. ● isto genere gladiatorum pan-
cratium ipse actus veluti pugilaris nomen accepit, d) af-
firmante Lazio, quod ex eo dictum est, quod advocatis o-
mnibus corporis viribus omniumq; transigatur conten-
tione nervorum; calcibus enim & cubitis, non pugnis mo-
do

do utebantur; Atque hoc certamen cum maximo vitæ discrimine erat conjunctum. Hinc *c)* Ulpianus legem constituit, *Si quis in colluctatione vel in Pancratio, vel pugiles dum inter se exercentur, alius alium occiderit; cessat Aquilia: quia gloriæ causa & virtutis, non injuria gratia videtur donum datum &c.*

a) Joh. Bissel. Ruin. Timanth. c. 1. *b)* apud A. Gellium lib. Noct. Attic. 13. cap. 26. *c)* ibid. lib. 3. c. 15. *d)* lib. X. de Rep. Rom. cap. 13. *e)* l. 7. §. 4. ad Leg. Aquil.

Quæst. XI.

Quale Eruditorum in Olympicis certamen?

a) **A**ntonius Gvevara, ex *b)* Laërtio refert, Biantem ad Ludos Olympicos accessisse, quò certatim omnes totius orbis nationes convolabant, ac tale ibi ingenii sui specimen dedisse, ut omnibus, qui aderant, Philosophis præferretur, verique Philosophi gloriam reportaret. Cum autem in Ludis Olympicis moraretur, cæteri Philosophi nonnullas ei quæstiones proposuerunt, quas, cum notatu & memoria sunt dignissimæ, breviter adjiciam.

Problemata Bianti in Ludis Olympicis proposita.

Interrogatus, quis esset in hoc mundo ærumnoso infelicitissimus. Respondit: *qui ferre nequit infelicitatem.*

2.

Percontanti, quid inter homines judicatu esset molestissimum? *Nihil, inquit, quam litem inter amicos discernere.*

3.

Quærenti, quid difficillimum esset mensuratu? *Nihil, inquit, tam accuratam desiderat diligentiam, quam tempus.*

4.

Sciscitanti, quid esset in quo præstando nihil loci foret excusationi, quo minus præstaretur? *Promissum* respondit,

5.

Rogatus, quid summa cura quærendum? *Nulla, inquit, de*

de re aq̄e sollicitas esse mortales oportere, quam de quarendis consiliis & consultationibus.

6.

Interrogatus, qua in re laudanda tarditas? *Una, dixit, solummodo in re licere hominibus tardos esse, nempe in electione amicorum.*

7.

Postremo roganti, Quid optandum calamitoso, metuentum felici? *Huic, ait, mutatio fortuna; Illi cogitatio de fortuna mutabilitate.*

De his & interrogatus fuit, & respondit Bias in Ludis Olympicis, Olympiade, ut numerant, sexagesima. *c)* Svidas etiam autor est Herodotum in Olympicis publice legisse suam historiam, & à populo postmodum fuisse coronatum.

a) Horolog. Princip. lib. 1. c. 21. § 76. *b)* lib. 5. de vitis Philosoph.

c) Strauchius agon. Olympic. §. ult.

Quaest. XII.

Quales Leges habuere in Olympia?

Quæ leges olim in Olympicis ludis sancitæ erant, hinc inde apud Autores legi possunt. Proferam paucas.

a) Prima, Sacrorum lege fuit prohibitum, Olympicum certamen spectare Mulieres. Præter solam *b)* Pherenicen, cui uni omnium fœminarum, spectaculo gymnico interesse permissum est, cum ad Olympia Filium Euclea certamen ingressurum adduxisset, Olympionica Patre genita, fratribus eandem palmam assecutis latera ejus cingentibus.

Secunda. *c)* Barbaris non licere pugnare, lege cavebatur?

Tertia. Initio Ludorum Olympicorum dedecus erat, nudatis corporibus apparere in ludis. Postea autem Lacedæmonii decertantium corpora nudari, moxq̄e oleo ungi edocuerunt. Primum igitur, qui corpore nudato accessit Olympiam, *d)* Hacanthum Lacedæmonium fuisse factum.

Quarta: *e*) Qui largitione corruptis adversariis pugnant, quique athletæ ad præscriptum tempus non veniebant, multa plectebantur.

Quinta: *f*) Nefario scelere convictis, aut crimine damnatis, nec in certamen, nec ante commissionem spectaculi ad immolandum venire licebat; quippe Athletarum Parentes, & omnem stirpem citra labem esse voluerunt.

Sexta: *g*) Augea ab Hercule superato, Elidæi præsidere ludis Olympicis, velut certaminum Judices, iussi sunt. Hinc quibus Olympiis Pisæi, sine civium Elæorum præscitu, præficerent, ii ludi ceu illegitimi, spuriique æstimarentur, ac nominarentur An-Olympici.

Septima: *h*) Judices sententiam de certatoribus pronuntiaturi juramento confirmabant prius se nullam ob rem iudicandam capturos esse pecuniam nec probata aut improbatam in vulgus prolaturus.

Octava: *i*) Collecta mulctatitia pecunia, quam à delinquentibus accepissent, in usus templorum convertebatur.

a) Laetantius super stat. 1. Thebaid. *b*) Valerius Max. l. 8. cult.

c) Alex. ab Alex. l. 5. c. 8. *d*) Dionys. Halicarn. l. 7. *e*) Alex. ab Alex. loc. sup. cit. *f*) ibid. *g*) Bisselius p. 855. *h*) Nat. Com. lib. 5. c. 1. *i*) ibid.

Quest. XIII.

Quo præmio Victores in Olympia coronabantur?

Multa præmiorum genera fuerunt diversis temporibus. Plurimum vero corona ex *a*) oleastro vel *b*) callistephano, Oleæ genere, victoribus velut grande virtutis præmium fuit proposita. Præterea Victori erigebatur *c*) statua. Si autem *d*) tertia vice ex Olympia victor abiret, statuez, quas iconas vocant, similitudine membrorum exprimente dicabantur; *e*) & consistebat præmium sapius quoque in annonis, obsoniis, pensationibus; imo *f*) more triumphan-

phantium, in Patriam reversuri dejecta parte muri inibant,
g) statuaque in foro & perpetua immunitate fruebantur,
adeo ut non immerito Alexander Neapolitanus Olympio-
nicem majorem quam Romæ de hostibus censet trium-
phum. Hinc b) Vitruvius, parum absuit quin Victores in
Deorum quoque gentem & familiam transcriberet, Et
Horatius de eis ita ait i)

-- -- *metas, fervidis,*
Evitata rotis, palmas, nobilis,
Terrarum Dominos evehit ad Deos.

Tantæ dignationis existimata fuerunt præmia illa sive com-
moda, ut quamvis alias spei emptio, venditio sit, (v. g. Si
quis aleam sive jactum retis emat) l. 8. §. 1. ff. contrah. empt.
& l. Si jactum 12. de act. empt. Spes tamen illorum, quæ di-
xi, præmiorum oppignorari minime possit, adeo, ut ne ge-
nerali quidem bonorum obligatione ea comprehendantur.
l. Spem eorum 5. C. quæ res pig. & obl. poss.

- a) Herodot. l. 8. princ. Plin. l. 15. c. 4. Alex. ab Alex. lib. V. c. 8. b)
Aristot. Aufcuk. c. 50. Pausan. lib. 5. c) Plin. lib. 34. c. 4. d)
ibid. e) Guldon. Pancir. part. 1. t. 60. de Ludis veter. f) ibid
g) ibid. b) lib. 4. i) od. 1.

Addimenta.

I.

Mulieres Olympico certamini non interfuisse (præter unam
Pherenicen, cui ex singulari gratia hoc ipsum erat indut-
tum) supra diximus. Homines enim nudato corpore sese ex-
ercentes videre, pudori ac verecundiæ mulierum contrarium
putabant Græci, ac plane inconveniens. Secus ac in hodie-
nis spectaculis & Torneamentis, quibus licite foeminas inter-
esse non dubitandum, quum nihil in se obscœnitatis contine-
ant. Non obstante, quod LL. præceptum, mulieres domi se
continere, nec cætui publico sese demonstrare debere in l. 2. C.
de his qui ven. ætat. impetr. Virorum congregationibus con-
tra ea se immiscere omnibusque se ma. ifestare reperitur pro-
hibi-

hibitum. in l. 21. de Procurat. adeo, ut si mulier Circensibus, Theatris, aut Amphitheatris ad spectandum interfuerit, ignorante aut prohibente viro, divortio sit Locus Nov. 22. cap. 1 §. 1. Nov. 117. cap. 8. §. 6. Hæc enim non ita generaliter accipienda esse docet Limn. de Jur. Publ. P. 1. c. 5. n. 36. seqq.

II.

Simili modo ac Mulieribus, ita & Clericis s. Ecclesiasticis Personis, Jure Romano, ad quodlibet spectaculum spectandi gratia accedere, legimus interdictum in Nov. 123. cap. 10. Quandoquidem Gladiatorum sceleribus non minus ac cruore profundatur, qui spectat, quam ille qui facit, secundum Lactantium. Hinc cruenta spectacula ab Imperatore Constantino in L. unic. C. de gladiator. penit. tollend. in totum videmus sublata. Quod & ad Torneamenta extendit, eaqve simpliciter improbari colligit Bruunem. ad dict. L. unic. Damnant equidem Canones ejusmodi spectacula, hinc ea à Clemente V. in cap. unic. X. de Torneament. severissime, & quidem sub poena privationis sepulturæ Ecclesiasticæ interdicta novimus. Cujus tamen constitutionis rigorem ad Regis Franciæ & Navarræ instantiam mitigavit Johannes XXII. in cap. unic. Extravag. de Torneament. Cæterum an hodie Torneamenta iterum in usum revocari debeant, pluribus disputat Limnæus de J. Publ. P. 2. c. 5. n. 129. usq; ad finem.

